

INUIT ATAQATIGIIT

Inatsisartuni



UKA 2018/47

29.10.2018

Mikivisuk Thomassen

Uunga siunnersuut: Nappaatit suut napparsimasut sivikitsumik piffissamiluunniit aalajangersimasumik sivisussusiligaanngitsumi Danmarkiliarlutik katsorsartikkiartortariaqalertanerannik kinguneqartarnersut pillugit Naalakkersuisut UPA2019-mi nassuiaammik saqqummiussinissaat pillugu Inatsisartunut aalajangiiffigisassatut siunnersuut. Nassuiaammi aningaasatigut nakorsaanikkullu periarfissat suut ungasinnerusoq isigalugu napparsimasunik Danmarkimut katsorsartikkiartortunik ikilisitsisinnaasut ilanngunneqassapput.

(Inatsisartunut ilaasortaq Aqqaluaq B Egede Inuit ataqatigiit)

Inuit Ataqatigiit tunngaviusumik isumaqarput inuk kinaluunniit nappaateqartoq ikiorsernissaminik pisariaqartitsisoq ikiorserneqartariaqartoq. Naalagaaffiit peqatigiit silarsuarmioqatigiinnut nalunaarutaanni inuit pisinnaatitaaffiattut tamanna naqissuserneqarpoq.

Nunatsinni peqqinnissaqarfitta aqunneqarnera innuttaasut toqqissisimaffigisinnaasariaqarpaat, taamaattumillu qinikkatut akisussaasutut tamatumunnga qulakkeerinneqataanissarput pisussaaffigaarput.

Nunatsinni nakorsassaaleqineq aammalu taassuma saniatigut atortunik immikkut nakorsartariaqartunut neqeroorutigisinnaasagut killeqarput, taamaapportaaq aamma nakorsaatit inuillu timiminnik suliaritittariaqartunut piginnaasat killeqarneri. Taamatut nunatsinni peqqinnissaqarfimmi piginnaasatigut killeqartumik peqarnitta nunatsinni innuttaasunut sullissiniarneq unammillernartuutippaa. Tassugattaaq ilaavoq nunarujussuarmi annertuumi najugaqarnitta peqqinnissaqarfimmi sullissinermut aamma kalluaaqataalluni. Matumanilu inuit ikittut nappaatigisinnaasaanik

INUIT ATAQATIGIIT

Inatsisartuni



nappaateqartut kingornuttakkanillu nappaateqartut eqqorneqartarput. Taakkuukkajuttarpullu nunarput qimallugu katsorsartikkiartortariaqartut. Matumani siunnersuuteqartup siunnersuutigaa nappaatit suut napparsimasut sivikitsumik piffissamiluunniit aalajangersimasumik sivisussuligaanngitsumi Danmarkiliarlutik katsorsartikkiassutaasartut pillugit nalunaarusiortoqassasoq. Nalunaarusiaq naammassineqarsimalerpat peqqinnissaqarfimmi suut naammassineqarsinnaanersut innersuussuteqartoqarnissaa pisinnaanngoqqullugu. Siunnersuut tamakkiinerusumik peqqinnissaqarfiup suliaanic ersersitseqataassasoq, tamannalu inatsisiliortutut atorfissaqartikkipput Inuit Ataqatigiit isumaqarput.

Inuit ataqatigiit siunnersuutigineqartoq taperserparput, nappaatit assigiinngitsut sivikitsup ingerlanerani aalajangersimasumik sivisussuligaanngitsumik eqqorneqartut tunngavigalugit Nassuiaammik suliaqartoqarnissaa pisariaqarmat. Naggataagullu Naalackersuisut allannguutissatut siunnersuutaat akualugu taperserparput. Ataatsimiisitaliamullu susassaqtumut ingerlateqqillugu.

Taamatut siunnersuut ilalerlugu susassaqtunut innersuuppara